

槐

廳

載

筆

槐廳載筆自序

余官翰林學士時輯錄科場貢舉官職姓字編年系地題曰清
秘述聞茲備員太學五載矣所與酬接欵洽者皆海內博學強
識之士猥以余喜談科名故實多以舊聞軼事相質余性善忘
凡有所稱說必叩其始末溯其源流筆諸簡牘又恐無以傳信
檢閱羣書互相叅証歲月既久抄撮漸多倣朱氏日下舊聞體
例分十二門釐二十卷題曰槐廳載筆備掌記而已然而言必
求其有當事必期於可徵雖耳目所及尙多罅漏而一百五十
餘年來

國家深仁厚澤教養兼施之至意已可得其大畧焉覽斯書者
自當感激

恩遇勵身修行以無負

宋樓閣集卷之四
作人之雅化豈區區以文章爲報稱也哉國子監祭酒法式善

槐廳載筆目錄

國子監祭酒法式善編

卷一

規制

卷二

規制

卷三

恩榮

卷四

盛事

卷五

盛事

卷六

知遇

卷七

掌故

卷八

掌故

卷九

掌故

卷十

紀實

卷十一

紀實

卷十二

述異

卷十三

炯戒

卷十四

品藻

卷十五

夢兆

卷十六

因果

卷十七

詠歌

卷十八

詠歌

卷十九

詠歌

卷二十

詠歌

補遺目錄

陸績編次不分門類以便梓工且易觀覽

經緯堂文集

杜珠

介和堂集

任辰旦

華嶽堂集

許孫荃

白雲山房詩集

翁嵩年

遊秦詩集

徐雲瑞

陸堂詩集

陸奎勲

艮齋詩集

王峻

露香書屋集

張映辰

澄碧齋詩鈔

錢琦

玉壺齋稿

吳嗣富

靜廉齋詩集

金炫

東麓詩鈔

錢汝誠

雲巖詩鈔

吳鴻

磯漁詩稿

盧文昭

安雅堂詩鈔

謝肅

澹俱齋詩鈔

沈世燁

鴻爪錄

周大樞

昭代舊聞

屠元淳

忠雅堂雜著

蔣士銓

鳬亭詩話

陶元藻

兩浙輶軒錄

阮元

碧溪草堂雜記

朱文藻

槐廳載筆徵引書目

大清會典

大清一統志

皇朝通志

日下舊聞考

詞林典故

四庫全書總目

科場條例

學政全書

館選錄

八旗通志

盛京通志

畿輔通志

江南通志

江西通志

浙江通志

福建通志

湖廣通志

河南通志

山東通志

山西通志

陝西通志

四川通志

廣東通志

廣西通志

雲南通志

貴州通志

湖南通志

甘肅通志

內閣絲綸簿

吏科冊

翰林院玉堂譜

庶常館冊

國子監志

順天府冊

庸言

魏象樞

資塵新聞

魏裔介

邇語

熊賜履

春明夢餘錄

孫承澤

三岡識畧

董含

萁鄉贅筆

董含

池北偶談

王士禎

居易錄

王士禎

香祖筆記

王士禎

分甘餘話

王士禎

應菴隨錄

羅鶴

萬壽閣偶談

趙吉士

寄園寄所寄

趙吉士

梅臆小史

雞臆剩言

初菴偶筆

觚賸

鈕琇

蚓菴瑣語

李王遵

筠廊偶筆

宋肇

粵西偶記

陸祚蕃

言鯖

呂種玉

鈍吟雜錄

馮班

曠園雜志

吳陳琰

北墅奇書

陸次雲

湖壖雜記

陸次雲

述異記

吳震方

試院冰淵錄

施閏章

蘧齋詩話

施閏章

矩齋雜記

施閏章

說鈴

汪琬

瀛洲道古錄

朱彝尊

西河詩話

毛奇齡

制科雜錄

毛奇齡

渭仁筆記

方象瑛

鶴徵錄

李延年

果報見聞錄

楊式傳

見聞錄

徐岳

信徵錄

徐慶

聞見卮言

顧理美

今世說

王暉

康熙乙酉日記

查慎行

查浦輯聞

查嗣琛

知新錄

王棠

隙光亭雜識

樊牧

臚傳紀事

繆彤

簪雲樓雜記

陳尚古

御試恭紀

狄億

夢月巖隨鈔

呂履恒

澄懷園語

張廷玉

崑圃自訂年譜

黃叔琳

芝庭自訂年譜

彭啟豐

時菴自訂年譜

蔣元益

在園雜志

劉廷璣

稗勺

鮑珍

亞谷叢書

鮑珍

柳南隨筆

王應奎

雙柳堂日記

余棟

施氏家風述畧

施彥格

香樹齋詩集自註

錢陳羣

行廨劄記

錢陳羣

三台洞仙記

二樓紀略 佟賦崇

感舊集詩話 盧見曾

山左詩鈔案語 盧見曾

詞科掌錄 杭世駿

詞科餘話 杭世駿

榕城詩話 杭世駿

越風 商盤

詩鈔小傳 鄭方坤

國朝別裁詩集小傳 沈德潛

隨園詩話 袁枚

新齊諧 袁枚

南池筆記 陳大輪

紀恩錄 梁錫璣

籀石齋詩集註 錢載

復初齋雜錄 翁方綱

秋燈叢話 王楮

禮堂詩評 王鳴盛

灤陽消夏錄 紀昀

槐西雜誌 紀昀

如是我聞 紀昀

姑妄聽之 紀昀

灤陽續錄 紀昀

咳餘叢考 趙翼

炙硯瑣談

湯大奎

茶餘客話

阮葵生

藤陰雜記

戴璐

石鼓齋雜錄

戴璐

吏垣牘略

戴璐

吳興詩話

戴璐

桑梓述聞

孫辰東

瀟湘聽雨錄

江昱

蓮坡詩話

查爲仁

水曹清暇錄

汪啟淑

淮海錄

吳文溥

史館綴聞

梁上國

讀書翼註

張甄陶

雨村詩話

李調元

新搜神記

李調元

條例約編

王德

南園筆記

錢澧

二雲山房贅筆

邵晉涵

溫故編

鮑之鍾

翰詹源流編年

吳鼎雯

詞垣考鏡

吳鼎雯

竹葉庵雜記

張埏

信心錄

劉喬松

夜譚隨錄

和邦額

史館雜記

郭在造

柳崖外編

徐昆

虛谷閒談

李如筠

樂園閒述

顏崇棨

種李園詩話

顏崇棨

樂園故人尺牘小傳

顏崇棨

曉讀書齋雜錄

洪亮吉

邸鈔存略

沈祖詒

師友淵源錄

嚴長明

宸垣識略

吳長元

感應篇

南窗雜志

李蔡

秋史筆徵

江德量

諧鐸

沈起鳳

海濱人物鈔存

殷希仁

聞見辨香錄

秦于鎬

宜泉筆記

翁樹培

亦有生齋筆談

趙懷玉

劍潭偶筆

汪端光

淵雅堂雜著

王芑孫

春水居筆記

戴堯坦

識小編

孟仁言

紫垣隨筆

曹宮

淮海遺聞

沈琛

續子不語

質直談耳

錢肇釐

松門日鈔

戴光曾

廣新聞

耳食錄

樂宮譜

秋坪新語

張昌運

梧巢緒聞

徐起鳳

使湘紀驛

伊秉綬

青箱堂詩文集

王崇簡

棲雲閣集

高珩

託素齋文集

黎士宏

靜惕堂詩集

曹溶

讀史亭集

彭而述

兼濟堂全集

魏裔介

佳山堂全集

馮溥

穀詒堂全集

熊伯龍

寶綸堂稿

許纘曾

湯子遺書

湯斌

吳廬文集

王澤宏

蒼峴山人詩文集

秦松齡

容齋詩集

李天馥

經義齋集

熊賜履

午亭文編

陳廷敬

讀書齋偶存稿

葉方藹

文貞集

張玉書

蠶尾集

王士禛

漁洋文略

王士禛

霜紅龕集

傅山

南雷文選

黃宗羲

亭林文刪存

顧炎武

尺五堂詩刪

嚴我斯

浦雲堂詩集

熊一瀟

靜觀堂詩集

勞之辨

篤素堂文集

張英

存誠堂詩集

張英

孫司空詩鈔

孫在豐

憺園集

徐乾學

榕村集

李光地

有懷堂文集

韓炎

有懷堂詩集

韓炎

橫雲山人集

王鴻緒

修吉堂文稿

徐倬

道貴堂類稿

徐倬

南昀詩稿

彭定求

寶齋堂詩稿

張榕端

傳恭堂詩集

張廷璣

飴山文集

趙執信

野香亭集

李孚青

雙溪草堂詩集

汪晉徵

松桂堂全集

彭孫通

世恩堂詩集

王項齡

浣初集

周清原

湖海樓詩集

陳維崧

曝書亭全集

朱彝尊

平山草堂全集

汪琬

鈍翁續稿

汪琬

蓮龕集

李來泰

遂初堂全集

潘耒

學餘堂詩文集

施閏章

南州草堂集

徐鉉

鶴棲堂集

九何

健松齋集

方象瑛

西河全集

毛奇齡

叢碧山房全集

龐楷

秋水集

嚴繩孫

西陂類稿

宋犖

古歡堂詩集

田雯

懷秋集

江村全集

高士奇

百尺梧桐閣集

江懋麟

青門簾稿

邵長蘅

東江文鈔

唐孫華

方麓詩鈔

蔡升元

愛日堂集

陳元龍

雙雲堂文稿

范光陽

鶴侶齋集

孫勳

原衡詩鈔

沈廷文

懷清堂集

湯右曾

恭毅公剩稿

趙申喬

紅豆山莊集

惠周惕

雄雉齋集

顧圖河

味和堂集

高其倬

太僕集

嚴虞惇

湛園未定稿

姜宸英

苑青集

陳至言

查浦詩鈔

查嗣樸

雙清閣詩集

勵廷儀

澄懷園文存

張廷玉

澄懷園詩存

張廷玉

樓村詩集

王式丹

沅亭詩鈔

江灝

敬業堂詩集

查慎行

西谷詩集

蔣廷錫

毅庵詩鈔

賈國維

師善堂詩集

稽曾筠

高陽山人集

劉青藜

裘萼公剩稿

趙熊詔

餘園詩選

繆沅

德蔭堂詩集

阿克敦

穆堂初稿

李紱

穆堂別藁

李紱

圭美堂集

徐用錫

石川詩鈔

方觀

匠門集

張大受

橘巢小藁

王世琛

閻邱詩集

顧嗣立

今有堂詩集

程夢星

葆璞堂集

胡煦

容安齋詩集

汪應銓

詠花軒詩鈔

張廷璐

近道齋詩集

陳萬策

筠谷詩鈔

鄭江

香樹齋文集

錢陳羣

西林全集

鄂爾泰

南谿偶刊

鄭性

震滄集

顧棟高

白澗文集

沈受宏

泉山堂剩稿

耿賢舉

修月堂集

玉爾梅

紀城文稿

安致遠

尹文端公集 尹繼善

劉文正公詩鈔 劉統勳

浣浦詩鈔 范咸

松泉文集 汪由敦

松泉詩集 汪由敦

生香書屋全集 陳浩

知稼軒詩 王泰姓

芝庭詩稿 彭啟豐

恒軒詩鈔 蔣溥

春及堂詩集 倪國璉

夕陽書屋初稿 程盛修

裴園詩鈔 阮學浩

秋水齋集 張映斗

柳漁詩鈔 張淵

澄園詩鈔 阮學濬

莊恪公集 甘汝來

望溪集 方苞

月槎集 張漢

雅雨堂集 盧見曾

謙受堂集 邵大業

辟帷文鈔 吳龍見

四知堂文集 楊錫綬

集虛齋文集 方榮如

檜門集 金德瑛

鮐埼亭文存

全祖望

繩庵外集

劉綸

道古堂全集

杭世駿

隱拙齋集

沈廷芳

寶綸堂文鈔

齊召南

寶綸堂遺文

齊召南

海山存稿

周煌

鳳池詩集

郭肇績

樂賢堂詩鈔

德保

小倉山房全集

袁枚

叔度詩鈔

裘日修

歸愚文鈔

沈德潛

歸愚詩鈔

沈德潛

茶山集

錢維城

石君文鈔

朱珪

玉芝堂詩集

邵齊齋

枝巢詩草

圖帶布

梅崖文集

朱仕琇

綠筠書屋詩鈔

葉觀國

籀石齋詩集

錢載

復初齋詩鈔

翁方綱

白鶴堂集

彭端淑

石笥山房詩集

胡天游

海峰文集

劉大槐

一樓集

黃達

述庵文鈔

王昶

響泉集

顧光旭

笥河文鈔

朱筠

來鶴堂詩鈔

于宗英

忠雅堂文集

蔣士銓

二研齋遺稿

諸重光

夢樓詩集

王文治

嘉樹堂詩集

胡高望

甌北集

趙翼

待園詩集

蔣維植

蘭韻堂詩鈔

沈初

傳經堂詩鈔

韋謙恒

白華前稿

吳省欽

兩春軒詩草

姚頤

松崖詩鈔

管幹珍

虛白齋詩稿

吳壽昌

有正味齋集

吳錫麒

東原文集

戴震

鶴半巢詩存

馮培

葆真書屋詩集

汪如洋

梅庵詩鈔

戴保

獨學廬詩集

石韞玉

卷施閣詩集

洪亮吉

紅欄書屋文集 孔繼潘

惜分陰齋詩鈔 李秦

壽庭詩鈔 吳樹萱

秋簾小草 魏成憲

方雪齋詩鈔 何道生

賞心集 張錚

構李詩繫 沈季友

詩觀初集 鄧漢儀

詩觀二集 鄧漢儀

詩觀三集 鄧漢儀

百名家詩選 魏憲

董氏詩萃 董熄

宛雅三編 張汝霖

練音初集 王輔銘

楚詩紀 廖元度

國朝詩正 朱觀

七十二峯足徵集 吳定章

東臯詩存 汪之珩

金華詩錄 朱玟

山陽耆舊詩 吳玉搢

二南遺音 劉紹攸

湖北詩錄 高士熙

梁溪詩鈔 顧光旭

淮海英靈集 阮元

附載

梧門詩話

約西雜記

槐廳載筆例言

余官學士時嘗考順治乙酉以來鄉會試考官名字爵里及試士題目并學院學道題名甄輯之爲清秘述聞十六卷其後改官祭酒聚生徒講業睹聞益廣復博採科名掌故見於官書及各家譔著足資考據者倣朱檢討曰下舊聞之例釐而錄之爲二十卷命之曰槐廳載筆槐廳者國子監解舍祭酒所視事處庭中古槐植自元時以許魯齋得名非沿翰林院第三廳故事也因成書之地以爲名猶之清秘述聞云爾

第一
自有科目因革損益隨時而異要其著令皆爲典常錄規制爲

右文之世科第最隆殊眷異寵錫之自

上錄恩榮爲第二

青箱世繼業比竊金家祥遞衍鵲起聯跼有同治譜錄盛事爲
第三

守真葆璞特達爲難物色風塵薦剗破格錄知遇爲第四
昭代取材粲然大備鴻博經學

召試朝考散館大考教習庶常互相條貫錄掌故爲第五
搢紳先生敘述平生得諸閱歷言之親切錄紀實爲第六
奇踪詭跡駭俗警衆砭愚牖頑自所不廢錄述異爲第七
儉王姦慝

聖世必誅爰書所麗義在彰瘡錄鑒戒爲第八

惠迪從逆吉凶因之萌於朕召問之太人錄夢兆爲第九
廉聲德望蔚著當時文騫采馳道路傳播錄品藻爲第十
倚伏迭乘去來皆驗理不足據事有果然錄因果爲第十一

臚傳感遇典試紀

恩拜手颺言於斯爲盛錄詠歌爲第十二

凡所徵引具有成編都非撰造斷章取義葑菲不遺弗以全書
遂湮隻句軼聞逸事求備取盈而已嘉慶四年端陽後十日書
成漫識數語國子監祭酒梧門法式善

槐廳載筆卷一

國子監祭酒法式善編

規制一

順治初定題差考官日期雲南貴州四月初十日題四川廣東
廣西福建五月十二日題浙江江西湖廣六月十三日題陝西
江南六月二十三日題河南七月十三日題山東山西七月二
十日題順天八月初四日題

大清會典

十七年又定在京同考各官除郎中不差外吏部取各部員外
主事中行評博國子監科甲出身官員及近京廉慎素著科甲
推知開列職名題請

欽定其守部進士亦盡行開列恭候

欽點卽日入闈在外同考各省督撫公慎酌量扣定日期將本

省及鄰省才望素著推知或科甲教職等官倍數密取到省卽日公闈入闈以絕弊竇以上各同考官先取進士出身者不足兼取舉人出身之員

同上

康熙二十六年題准順天鄉試同考官嗣後六部員外郎主事
中書等官及守部進士俱停開列止用直隸科甲出身知縣由
順天府咨呈吏部行文直撫共起送三十名限八月初一日來
京不許私寓外城候題請

欽點

同上

雍正元年

諭考官以秉公精鑒識拔文才爲主何論曾否入闈嗣後凡遇
鄉科各省督撫臨場調齊科甲出身之員不論已未分房監臨
試以時義一篇其文理優長者入內簾房考荒疎者供外場執

事則分校得人而佳文盡拔矣

同上

順治三年定會試主考官屆期禮部開列內院大學士學士六部尚書侍郎都察院堂官職名題請

簡用同考官二十員內用翰林院十二員六科官四員吏部司官一員禮部司官一員兵部司官一員戶刑工三部司官每試輪用一員各該衙門推舉資俸優深才望素著者送內院裁定入闈閱卷

同上

順治三年丙戌取中四百名四年丁亥再行會試取中三百名六年己丑取中四百名九年壬辰取中四百名十二年乙未取中三百五十五名十五年戊戌取中四百名又

欽賜殿試一名十六年己亥雲貴蕩平

恩詔再行會試取中三百五十五名十八年辛丑取中四百名康

熙三年甲辰取中一百五十名

是科改試策論

六年丁未取中一百五

十名九年庚戌取中三百名

是科仍以八股考試

十二年癸丑取中一百

五十名十五年丙辰取中一百九十五名十八年己未取中一

百五十名二十一年壬戌取中二百名二十四年乙丑取中一

百五十名二十七年戊辰取中一百五十名三十年辛未取中

一百五十名三十三年甲戌取中一百五十名三十六年丁丑

取中一百五十九名三十九年庚辰取中三百名四十二年癸

未取中一百五十九名又

欽賜殿試三名四十五年丙戌取中三百名四十八年己丑取

中三百名五十一年壬辰取中一百七十七名又

欽賜殿試十五名五十二年癸巳

萬壽恩詔開科會試取中一百九十六名五十四年乙未取中

一百九十名五十七年戊戌取中一百六十五名六十年辛丑取中一百六十三名又

欽賜殿試二名雍正元年癸卯

特開恩科會試取中一百八十名又加取九十名共取中二百七十名二年甲辰八月補行正科會試取中二百十三名又加取七十七名共取中二百九十名又

欽賜殿試一名五年丁未取中二百十名又

欽賜殿試一名

同上

雍正二年

諭上年天下舉人會試來過一次今年會試來者甚多恐往返道路及在京守候盤費均難接濟特加恩賞將入場之雲南廣東廣西貴州四川五省舉人每人賞銀十兩福建浙江南江西

湖廣陝西六省舉人每名賞銀七兩直隸山東河南山西四省
舉人每名賞銀五兩禮部務按進場舉人名籍查明給與本身
俾得均沾實惠卽于明日出示曉諭勿致稽遲遺漏

同上

順治十五年題准禮部題請讀卷官由內三院詹事府吏戶兵
刑工五部都察院通政司大理寺各衙門堂官通行開列恭請
欽點十四員提調用禮部堂官監試用監察御史受卷彌封掌
卷用內院侍讀學士以下官禮部司官六科給事中內院典籍
撰文辦事中書等官印卷用禮部司官巡綽用鑾儀衛供給用
光祿寺禮部司廳等官寫榜用內院禮部等官

同上

凡庶吉士考選順治三年題准於二甲三甲進士內選取送翰
林院讀書滿漢學士教習俟學業有成復行考試優者以翰林
官用二甲除編修三甲除檢討其餘兼除科道部屬等官

同上

九年題准分省考選直隸江南浙江各取五人江西福建湖廣山東河南各取四人山西陝西各取二人廣東一人以二十名讀滿書二十名讀漢書考選引

見或由內院具題或由吏禮二部會同內院具題或限年歲或論地方或出題考試無定例順治十二年以後選取無定員同康熙十二年題准吏部將進士年歲籍貫開送翰林院由翰林院題請考選日期會同吏禮二部引

見同

凡試錄登科錄順治二年定揭榜以後刊刻試錄登科錄進呈又定正副主考如有丁憂事故不曾入場者試錄後序用同考官銜名居首之員撰刻祇許撰序不許干預主考之事十八年題准停止刊刻試錄惟於場內繕寫題名錄解送進呈同

康熙八年議准復行刊刻試錄登科錄十四年題准復停止刊刻試錄十七年定各省科舉題名錄俱照河南體式刊刻二十三年議准鄉試會試錄併進士登科錄俱照例刊刻二十六年題准各省鄉試主考官出闈之後刊刻試錄許住省一個月無故踰限者各該衙門查叅五十一年

欽取進士禮部將取中姓名籍貫另刻一紙附入試錄五十三年議准文武進士會試錄及題名錄考完時業經呈

覽部內再行刊刻事屬重複應行停止其各直省文武鄉試題名錄及試錄亦著停止刊刻至文武進士

殿試登科錄內載

御製策題

恩榮次第並無重複之處仍照舊例遵行

同上

雍正元年覆准鄉會試錄自癸卯科爲始仍行刊刻又題准順天鄉試錄將考官迴避之子弟補考

欽命題目

欽定批中舉人姓名籍貫及搜落卷內

欽定批中舉人姓名籍貫照壬辰科例一併刊入試錄

同上

凡試有定期歲在子午卯酉以八月鄉試丑辰未戌以三月會試均於九日十有二日十有五日鎖闈三試之

同上

凡試文藝鄉會試均第一場書藝三論一第二場經藝四五言

八韻詩一第三場策

同上

舊制第一場書藝三篇經藝四篇第二場論表各一篇判五條第三場策五道康熙二年停止書藝經藝改鄉會試爲二場頭場策五道二場四書論一篇經論一篇表一道判五條康熙七

年仍復舊制乾隆二十二年易表以詩而去論判且移經文於二場乾隆二十三年復於第一場增性理論一篇乾隆四十七年始改今制於是首場四題皆由

欽命益昭慎重矣

同上

凡會試及順天鄉試書義三題皆由

欽命試前一日禮部侍郎順天府尹恭領詣貢院交知貢舉提調送入內簾經藝策論皆考官公定

同上

凡考官鄉試正副各一人由禮部開列侍郎以下編修檢討中允贊善給事中御史中書評事博士以上官會試正副考官各二人間用正一人副二人或正二人副一人開大學士學士尙書左都御史侍郎左副都御史

同上

凡出榜鄉會試由考官諏日豫行知貢舉監臨屆期內簾啟門

及外簾各官會於一堂出中式硃卷對內號檢墨卷無譌迺按
名書榜畢各官朝服望闕行三跪九叩禮鄉試於順天府署

前會試於禮部署前懸榜三日

同上

凡經理試事鄉試順天監臨以府尹提調以府丞內外監試以
御史會試知貢舉以禮部侍郎提調以儀制司司官

同上

順治二年正月定直省額中舉人一名取應試諸生三十名

康熙

二十九年覆準江南浙江每舉人一名送應試諸生六十名三
十年加至百名乾隆九年議定直隸江南浙江江西湖廣福建
大省八十名山東河南山西廣東陝西四川中省六十名廣西
雲南貴州小省五十名十二年議定直隸改照山東省例取六
十名又勅加恩每副榜一名應試諸生大省
加取四十名中省加取三十名小省加取二十名提學考試精
通三場者方準應試凡在籍貢監生願就本省鄉試者許一體
考試又直省現任教職準提學考送應試二月禮部請令直省
選拔文行兼優者大學二名小學一名送國子監肄業仍以貢

監名色應試從之又定鄉會試三場試題初場四書三題五經
各四題士子各占一經二場論一道判五道表一道三場經史
時務策五道鄉會試同六月定鄉會試期鄉試以子午卯酉年
十二日第二場十五日第三場會試以辰戌丑未年二月三場
日期與鄉試同雍正五年以會試春季遇閏場期改至三月嗣
後會試遇閏先期奏聞乾隆九年又定主考房官同堂閱卷去取
年勅改三月舉行會試專在主考又定鄉會試卷有文理優長限于額數者取作副榜
九月定磨勘試卷禮部會同科道磨勘首嚴弊倖次簡瑕疵皇朝

通志

康熙二十四年正月奏準會試及順天鄉試四書題目俱乞
欽定其五經及二三場題目仍令考試官擬出三月定會試三
場畢主考等官遴選試卷十本繕寫進呈恭候
欽定以後順天鄉試同

殿試讀卷掌院學士充讀卷官講讀學士以下充受卷彌封掌
卷官其直省鄉試順治初惟順天江南浙江西湖廣福建以
講讀學士以下充正副主考官至康熙三年定制各省通行差
遣會試則掌院學士並充主考官講讀學士以下充同考官先
是順治四年會試同考官亦用庶吉士武會試則學士以下充
主考官順天武鄉試侍讀以下充主考官其文武會試主考官
兼用講讀學士則康熙九年定制

詞林典故

雍正元年令文鄉會試庶吉士亦充外簾官又

國初各省設提學道惟順天等大省稱學院然亦不專用翰林

同上

順治十年六月始以翰林五品以下官提督直隸江南浙江學
政其學習

國書者不差

同上

康熙二十三年十二月吏部議定順天學政以侍讀侍講諭德
洗馬開列江南浙江以侍讀侍講諭德洗馬中允贊善開列停
其補用郎中道府

同上

三十九年七月各省學道員缺翰林官與郎中並差

同上

五十六年八月禮部題請順天鄉試主考官得

旨此次同考即於所開正副考官內每房各用二人不得派同
省之人雍正元年二月定各房校閱仍用同考官一人

同上

三年三月以遣學試兩差考試翰詹科道部屬諸臣文字於
太和殿考取人員姓名識以牙籤貯以金簡臨遣時大學士齊
至午門前每省掣正陪各一員引

見差用

同上

乾隆元年三月

上諭內閣今年八月舉行恩科鄉試其正副考官必人品端方學問醇正者始足膺衡鑒之寄朕卽位之初不能深知諸臣之底蘊著鄂爾泰張廷玉朱軾徐本邵基任蘭枝徐元夢福敏孫嘉淦楊名時於翰詹科道部屬內各舉所知多舉數員於五日內交送內閣彙奏候朕考試簡用庶得文品兼優之員以副掄才之大典

同上

順治元年

詔江南陝西鄉試於十月舉行

科場條例

順治三年奏准本年八月再行鄉試

同上

順治十七年滇省貢院未修學臣未到庚子科鄉試於十八年

補行

同上

康熙十六年特行鄉試順天專差考試山東山西陝西會在河南考試湖廣江西會在江南考試福建會在浙江考試每科舉十五名取中一名同上

康熙二十年奏准貴川本年鄉試於壬戌年補行同上

康熙二十二年補行雲南省辛酉科鄉試同上

乾隆九年順天鄉試因搜檢逾期順天府奏改試期一日同上

乾隆九年奉

上諭明年二月會試天氣尚未和暖搜檢時不無寒冷且各省俱須覆試士子到京未免稍遲著改期於三月舉行該部即預行曉諭知之欽此同上

順治三年奏准來年三月再行會試同上

順治十六年

諭雲貴新附地方綏輯需人現在候選官員尚未足用應預爲徵取以備任使著於今秋再行會試上同

雍正元年

恩旨開科議准甲辰正科會試改於甲辰八月舉行上同

康熙五十一年題准六十

萬壽特開鄉會恩科照順治丙戌己亥科例於二月舉行鄉試

八月舉行會試上同

雍正元年

恩旨開科本年四月鄉試九月會試上同

康熙三十九年覆准直隸正副主考除應開列官員照常開列外將侍郎學士京堂翰林科道部屬等官由進士舉人出身者無論已未典試通行開列上同

康熙三年題准鄉試正副考官不必指定某衙門官差往某省各衙門應差官員職名概行開列題請

欽點

同上

康熙十一年題准各省鄉試主考內閣進士中書與各衙門應差官員一體開列題差

同上

雍正三年奉

上諭前各省正副主考朕皆視其人謹慎者派往並未試其文藝間有不能衡文者此皆由中式之後荒疎年久故耳著將應差委之翰林由進士出身各部院官員查奏朕試以文藝差委

遵

旨將翰林及進士出身官員人數查明具奏

召集於

太和殿試以四書題文二篇

欽點王大臣監試彌封訖恭呈

御覽

欽定甲乙封貯內閣以備鄉試差遣

同上

各省正副主考奉

旨著將應差委之翰林由進士出身之各部院官員查奏試以文藝差委應否將翰林由進士出身之部院郎中員外郎主事中行評博及此內由舉人出身之人一併考試之處摺奏請旨奉

旨用由進士出身之人不用由舉人出身之人欽此

同上

順治五年題准直省鄉試正副主考官令內院吏部禮部公同考選差往其各省同考官令該巡按提學公同考選派用

同上

順治八年題准順天江南正副主考浙江江西福建湖廣正主
考差翰林官八員浙江江西福建湖廣副主考山東正主考差
給事中五員山東副主考山西副主考河南陝西正主考差光
祿寺少卿一員吏禮二部司官各二員河南陝西副主考四川
廣東正副主考廣西雲南正主考差戶兵刑工四部司官各二
員廣西雲南副主考貴州正副主考差行人二員中書評事各
一員如光祿寺官或缺戶兵刑工四部司官充山西副主考中
書行人評事充廣東副主考凡應差八員總送十六員應差五
員總送十員禮部會同內院擬定正陪疏請

簡命

同上

順治十一年題准如光祿寺官或缺應於太常太僕寺少卿內
取一員充山西正主考如光祿太常太僕三寺少卿俱缺照八

年例行

同上

雍正四年將

御試取定人員書名牙籤盛以金筒每屆按省分差之期設黃案於午門外令書名人員齊集

命大學士同禮部堂官捧金筒置黃案上掣籤唱名宣讀上諭畢大學士將所掣名籤恭請

欽定正副主考遵

旨差往

同上

順治二年定鄉試房考京闈用中行及候選進士如不足取在外推知到京卽送赴都察院衙門嚴加局鑰多撥兵番巡察候順天府會宴之日卽於是日伴行入朝同主考監臨等官

陛辭入院內簾官專司校閱有越俎侵事聽所司叅奏

同上

順治五年題准順天房考聽禮部會同吏部選用順治十一年題准內閣中書舊例准鄉會試而內閣中書亦充鄉試分房嗣後有內閣中書應鄉試不得開送內閣中書分房

同上

順治二年定各直省房考取本省科甲屬官不足聘鄰省科甲推知及鄉科教官掛議遷謫者不與其房數悉以各直省科舉之數爲準每房分閱三百卷或二百五十卷計數分房計房取官而其應取者必以治行最年力强學識俱到者爲主至於春秋禮記孤經恐易揣摩臨時聽監臨官互換房分易詩書三大經入簾次日亦聽監臨官將房考官單密送主考官臨分卷時照單定房以杜關節之弊

同上

順治八年題准江南房考聽提學會同巡按及布按二司選用務取潔守實學每十員用二十員公同闡定取充內簾房考

同上

順治十五年定會試應開送同考各衙門除曾經直省典試及會試分房不開外其現在各官臨期密開職名移送禮部題請

欽點同上

康熙五十四年奉

上諭會試每一房之卷令不同省房官二員同閱如一人有情

弊發覺二人並坐俾各知畏懼互相覺察會試舊例房考用十八員是科易書詩每

房用房考二員共用三十二員順天鄉試同雍正元年復改用一員

順治二年定前場題目將經書分段書籤同拈掣如論語分

為十段主考掣至某書某段即令房官於本段內各擬一題仍

書籤候掣出者用之餘題俱準此例同上

康熙七年題准考試官將本身取中四書五經題目擬出者降

四級調用若將本身取中題目擬出又錯寫字者革職內簾官

錯出題目字樣士子各習專經不稟明監臨官傳進內簾官改正照題紙錯字謄寫以致中式者罰停會試二次主考官場內發題過卯辰二時者罰俸六個月

同上

康熙十八年議准場內擬題四書掣定幾章每題每人各擬一道五經掣定幾章每題每人各擬十道俱送正副考官寫籤入筒當堂拈掣

同上

福建學政戴瀚條奏向來鄉會師生正副主考謂之座師各經同考官謂之房師此因知遇之實而有其名者乃外此又有別房同經者則爲對房老師閱薦未中者爲薦卷老師春秋禮記爲孤經習春秋者亦認禮記房爲師習禮記者亦認春秋房爲師此等非實有分義之正不過假借名色以便結交黨援應行嚴禁等語應如所奏鄉會試除座師房師照舊以師生往來不

得袒護黨援外至對房薦卷及春秋禮記孤經等對房與本人毫無關涉不得濫認師生借端交結倘有仍前濫認者或經察出或經首告交部嚴加議處至果有黨援袒護實情比座師房師袒護黨援之例加一等治罪

同上

順治八年六月禮部議定凡遇應考年分鄉試取滿洲五十名蒙古二十名漢軍五十名各衙門無頂帶筆帖式亦准應試滿洲蒙古通漢文者繕譯漢文一篇惟通滿文者作滿文一篇漢軍文字篇數則如漢人之例會試取中滿洲二十五名蒙古十名漢軍二十五名各衙門他赤哈哈番筆帖式哈番俱准應試滿洲蒙古通漢文者繕譯漢文一篇惟通滿文者作滿文二篇漢軍文字篇數亦如漢人之例八月

恩詔廣滿洲蒙古漢軍會試中額二十五名是科禮部奏順天

鄉試滿洲蒙古試卷應用滿洲內院禮部堂官各一員爲主考官其漢軍試卷聽漢主考官閱定又議定本年鄉試明年會試漢軍文字第一場書義二篇經義一篇如未通經者作書義三篇二場論一篇三場策一道順治十一年鄉試十二年會試第一場書義三篇經義二篇二場論一篇判五條三場策三道至順治十四年鄉試十五年會試三場文字篇數乃與漢人一例是年內三院會同禮部議定八旗鄉試會試

殿試均以滿洲蒙古共爲一榜漢軍與漢人共爲一榜

八旗通志

雍正壬子乙卯二科皆以鄰省舉人充鄉試同考官故福建王

子科杭世駿以甲辰舉人膺是任

四庫全書總目

向例會試以二月入場雍正五年歲閏天寒是科

特旨改於三月并令嗣後會試之期遇有閏月該部先行奏

聞乾隆十年乙丑科始奉

旨以三月會試永爲定例而士子入闈自雍正八年定例每人給科被一件時旣春深

賜兼挾纊

聖朝體恤士子可爲至矣

日下舊聞考

鄉試考官歷科正副皆止一人惟乾隆庚子順天鄉試

皇上特命協辦大學士尙書蔡新爲正考官而以侍郎杜玉林學士嵩貴副之爲他科所無云

同上

順天鄉試分編字號八旗滿洲蒙古爲滿字八旗漢軍爲合字順天直隸生員爲貝字江南浙江福建江西湖廣貢監爲南皿順天直隸山東山西河南陝西奉天貢監爲北皿雲南四川貴州廣東廣西貢監爲中皿奉天生員爲夾字宣化生員爲旦字

承德生員爲承字又長蘆商籍生員康熙年間編設鹵字號乾

隆十八年御史魏涵輝奏裁

同上

順治九年壬辰科分滿漢爲二榜蒙古入滿洲榜漢軍入漢人榜滿榜

賜進士及第出身並同漢榜一甲麻勒吉等三人授職修撰編修又選滿洲賽冲阿等六人爲庶吉士漢軍遲煌等四人爲庶吉士十二年乙未科仍分滿洲蒙古一榜至館選時漢軍庶吉士不歸漢班與滿蒙爲一

館選錄

乾隆辛未壬申辛卯戊戌四科

賜下第舉人年七十以上者司業學正等銜壬申科

詔以下第舉人現任學正王延年年在七十以上准爲額外司業次年癸酉又以現任助教曹洛禪年八十以上並爲額外司

業三十五年庚寅原任訓導王世芳年一百十二歲來京恭祝萬壽

恩賞司業職銜在籍食俸皆出優老

特恩不爲常例

國子監志

康熙丁巳科河南山東山西陝西四川同在河南開科

河南志

貢院在崇文門內觀星臺西北南向外東西磚門各一乾隆二十七年增南面磚門二磚門外設五城巡牆官廳三楹東磚門內有明經取士牌樓一點各廳六楹守備廳三楹監試廳九楹外廳三楹西磚門內有爲國求賢牌樓一外供給所房九楹進題公館六楹點名廳六楹守備廳三楹監試廳九楹外廳三楹又東西側設內磚門房三楹東西官廳三楹南面照壁一中有天開文運牌樓一第一龍門五楹有貢院墨字匾一內東側五

魁祠三楹西向第二龍門五楹第三龍門有龍門金字匾一東側都統叅領房十二楹西側都統叅領房二十八楹第三龍門至至公堂甬道中有明遠樓二重下馬牌上懸

諭旨東西井三堂七楹匾曰至公中懸

御書旁求俊乂四字聯曰立政待英才慎乃攸司知人則哲與賢共天位勗哉多士觀國之光

御製四詩勒石堂中護以朱欄至公堂前抱厦五楹回廊三面設木柵欄堂之東西設大庫東西更道各長二十丈柵欄各一傍曰東西文場自至公堂至第三龍門以內東西號房各五十七連共九千六十四間東文場內又設官生號房六十一間西北隅小號房四十連共八百三十六間至公堂後內龍門門內聚奎堂七楹中有聚奎匾一其東西二楹總裁官居之堂之兩

旁各三楹副總裁官居之堂後有穿堂三楹兩側刷印刻字房各五間最後會經堂五楹有會經堂匾一兩旁御史住房各一楹又兩旁經房各四楹東西經房各五楹凡經房十八同考官居之供事收掌房各三間庭中井一至公堂東御史廳三楹提調房二層每層一楹膳錄所六層每層五楹大供給所二層每層十楹東廂房二層每層三楹南面大廚房四間飯房四間庭中井一至公堂西監試大廚房四間收掌房三楹御史廳二層每層三楹受卷所二層每層四楹彌封所二層每層四楹又側座三楹東西南北瞭望樓四週圍外棘牆一牆高一丈五尺內棘牆一牆高一丈遇鄉試年大興宛平二縣詳順天府咨行工部修理

順天府冊

貢院在城東南隅元祿郡舊基也永樂乙未改爲貢院制甚備

監嘉靖中議改創西北隙地又有言東方人文所會宜因其址而充拓之卒未果至萬歷二年始命工部重建因故址拓旁近地益之徑廣百六十丈外爲崇墉施棘徼道前入左右中各樹坊名左曰虞門右曰周俊中曰天下文明坊內重門二左右各有廳以備稽察次曰龍門踰龍門直甬道爲明遠樓四隅各有樓相望以爲瞭望東西號舍七十區區七十間易舊制板屋以瓦甃可以避風雨防火燭北中爲至公堂堂七楹其東爲監試廳又東爲彌封受卷供給三所其西爲對讀膳錄二所又後爲燕喜堂三東西室凡十六楹諸書吏工匠居之其後爲會經堂堂東西經房相屬凡二十有三楹同考者居之

春明夢餘錄

孫氏春明夢餘錄謂翰林院本元之鴻臚署焦氏玉堂叢語載宣德七年以故鴻臚寺爲翰林院考元史百官志止有侍儀使

無鴻臚所云故鴻臚寺當是永樂年間所建爾

瀛洲道古錄

槐廳載筆卷二

國子監祭酒法式善編

規制二

皇帝踐阼之四年蔣虎臣先生上言蒙

聖恩忝膺學政然校士無專署不稱

國家作人至意今鹽臣移署津門臣昧死上言乞以其署爲多
士考課地臣暨士子幸甚章下部覆請如學臣言

詔曰可

王畿學臣自是都門有專署矣

棲雲閣文集

歲在庚子京畿復例應賓興禮臣遵

新令通列諸臣名以

上維時羣工濟濟咸鵠立於朝門肅心靜聽罔知所屬前此未

有也八日辛卯

上命臣賜履貳同官臣朝生往典厥事

經義齋集

庚午順天鄉試考試官翰林院侍講學士王挾編修魏希徵同
考試官知縣何訥等十五人舊例順天鄉試考試官例用編修
檢討皆史官也武試則用侍讀侍講康熙戊午武鄉試予以侍
讀為正主考官侍講韓公
元少特用講學防揣摩也同考例用京官員外郎主事中書舍
副考人行人等官用外官自是科始居易錄

庚辰科會試總裁大學士兼刑部尚書吳璥大學士兼吏部尚
書熊賜履戶部右侍郎李柟都察院僉都御史王九齡熊自癸
丑至甲戌丁丑今庚辰凡四典禮闈向所未有也僉憲舊不列
名聞自丁丑科始同上

特命翰林院侍讀汪灝提督山西學政初以翰林官出視學政

惟直隸爲然康熙二十一年以浙江人文之數亦用翰林他省

仍舊其改用翰林則自此始

山西學道僉事于漢翔休致

同上

監察御史江縈條奏會試事宜奉

旨與御史王承祐前疏下九卿詹事科道再議以直隸山東爲北左河南山西陝西爲北右江南浙江爲南左江西湖廣福建廣東爲南右四川雲南爲中左廣西貴州爲中右從江請也得

旨允行著於功令

同上

禮部題覆國子監請廣八旗中額疏查庚午順天鄉試滿洲蒙古原取中舉人十名今增六名共取中舉人十六名漢軍原取中舉人五名今增三名共取中舉人八名辛未會試滿洲蒙古原取中進士四名今增二名共取中進士六名漢軍原取中進士二名今增一名共取中進士三名奉

旨依議自康熙三十二年癸酉科會試舊例止分南北中卷康熙辛未科雲貴廣西無中式者御史王承祐江蘩因上疏條奏請于南北中卷之內再分左右九卿兩議具奏奉

旨著畫一具奏九卿因議以直隸山東爲北左河南山西陝西爲北右江南浙江爲南左江西湖廣福建廣東爲南右四川雲南爲中左廣西貴州爲中右得

旨允行甲戌丁丑遵行兩科闈中但握算左應中若干卷文之佳惡皆不暇論以故真才屈抑頗多予爲總憲欲疏請復舊例以入直南書房不果上已卯十一月副都御史梅桐厓補疏言之事下禮部部兩議以上復下九卿予時爲刑部尙書首言會試合天下之人才止當論文不當算各省額數之多寡若會試分省定額則鄉試亦應分府定額乎况科場鉅典當防弊竇

既分五經又分南北若再分左右恐闡中易于揣摩此又弊實
當防者也諸公皆以予言爲然會總憲涓來兄澤宏少宗伯慎菴
封持後議遂復兩議上之

上竟從前議大司空儼齋鴻緒曰始終力主持此事者先生一人

而已因記本末於此

同上

禮部會九卿題爲會試闢天下之人材閱卷宜照從前之定例
仰請

乾斷酌復成規以光大典事都察院左副都御史梅鋐題云云
該臣等會議得會試乃聚天下之材而拔其尤者以光

朝廷賓興大典舊例分南北中卷衡量可謂至平又分左右未
免分析太繁相應例照舊例南北卷內不必細分左右將廬州
等府滁州等州舊係中卷者俱歸於南卷其雲南貴州四川廣

西四省去其中卷名色每科雲南定爲雲字號額中二名四川
定爲川字號額中二名廣西定爲廣字號額中一名貴州定爲
貴字號額中一名康熙三十九年會試奉

恩詔加額明年會試應將雲南四川各加中二名廣西貴州各
加中一名庶人材不致淹抑而遠方士子皆得均霑

皇恩矣奉

旨依議

同上

舊例詞林第一甲一名及第者止充會試同考官不出典各布
政司鄉試自康熙己酉科己亥狀元徐元文以待讀典陝西試
甲辰狀元嚴我斯以修撰典山東試始變常例其後壬子科庚
戌狀元蔡啟傅典順天試乙卯科癸丑狀元韓菼典順天試丁
巳科丙辰狀元彭定求典順天試辛酉科己未狀元歸允肅典

順天試丁卯科乙丑狀元陸肯堂典江西試遂沿爲例

池北偶談

八旗鄉會試開科始於順治辛卯壬辰至丁酉停止康熙己酉庚戌復舉行至丙辰停止丁卯夏五月以亢旱肆赦再復開科之例按開科之例前後稍有不同順治壬辰乙未滿洲蒙古用滿文另爲一榜

壬辰狀元麻勒吉兩江總督乙未狀元圖爾宸工部侍郎

庚戌癸丑滿洲蒙古槩用漢文卽附漢人通爲一榜辛未甲戌復開科例仍之

同上

丁卯夏

恩詔八旗滿洲蒙古漢軍原有定例同漢人一體開科取士前因用兵暫行停止今仍照舊舉行禮部題請於直隸舉人額外滿洲蒙古取中舉人十名另編滿字號漢軍取中舉人五名另編合字號

漢軍稱烏金超哈故也

會試亦於漢進士額外滿洲蒙古取中

四名漢軍取中二名皆與漢人一體作文考試盛京生員附

人在京人旗本年鄉試期迫俟庚午辛未科舉行云

同上

旗下滿洲人准鄉會試自順治壬辰科始康熙中停止數科後復舊遂行至今然其例先後不同順治中滿人漢人分爲二榜壬辰滿狀元麻勒吉漢狀元鄒忠倚乙未滿狀元圖爾宸漢史大成康熙庚戌科以後則滿漢人同一榜皆試漢文矣麻官至江南江西總督刑部侍郎圖官至陝西巡撫工部侍郎

分日餘話

明初三科有四書疑問倣元制也洪武甲子易以四書名曰制

藝

本朝照行康熙癸卯甲辰丙午丁未兩鄉會試革去頭場止用

論策取士論題仍用四書已酉復八股制藝至今遵行

應卷隨錄

康熙二年癸卯八月改取士法八股制藝永行停止鄉會試用策論表判減三場爲二場至戊申七月

詔復舊制

專頒
贊筆

康熙元年以前考取鄉會試做八股文章二年八月內因

上諭八股文章實於政事無涉自今以後將浮飾八股文章永
行停止惟于爲國爲民之策論表判中出題考試欽此自甲辰
改制科歷丁未至康熙八年己酉禮部題定嗣後照元年以前
例仍用八股文章考試

明卷
瑣語

禮部議覆科臣滿普請除鄉試之弊一疏稱直隸各省鄉試時
將三品京堂官以下一併開列等語臣愚謂各省或可仍由舊
章惟順天都畿重地勢利環集宜如部臣議將三品以下開列
聽

皇上牛飭大臣差遣蓋身既列在大僚萬一不公不法致受辱
如李蟠等之事

皇上卽寬其處分亦當愧恨不敢自齒于衣冠之類矣至房考亦將京官外官盡開列恭聽

欽點又嗣後旗人漢人點名授卷後卽入號房不許混亂行走及踰牆找尋代作等語俱應如部臣議以塞弊端者也

榕村全集

學臣職司文教不但考校之日務須執清公而教養三年尤宜竭盡誠悃近來得此差者不能盡教士之職以仰贊育材之化揆厥所由雖因人品之未樹亦緣學植之久荒欲推所業以及于人而不得也今

皇上方簡任清端之士而人之心術操行或難遽見仰請於點用學差之時自翰林官以下皆令到

內廷考試窮日之力試以一書一經一論一策擇其文理最優議論有本者

欽點差遣則學醇者行必不悖且教士衡文取諸素業自不至漫不關心迄無成效矣仍乞於試日

皇上臨軒親命題目以杜預擬及

陛辭之際仍加

天語訓飭庶幾自愛

同上

往予與韓慕廬同官學士寓直閣中相與言及文章風氣

天子雅意振興儒術使文明之化光被天壤而士且狃於科舉之習雷同勦說微倖苟得而無奇偉俊拔者出其間思欲少更取士之制畧近古意其後予副貳春卿乃與長屬斟酌定其式第一場試經義兩三篇經疑三四篇折衷於注疏章句集注與諸儒之解又畧仿宋慶歷間歐陽文忠公之議所謂寬其日限隨場去留之法第一場去若干人留若干人次試二場又去若

千人留若干人次試三場幕廬又言第二場增律賦一首其判用唐人體設爲疑獄以觀其所比之條則去留必審而士知務實學既具稿將上之而公卿間有以蘇氏設法取士不過如此爲言者遂不果上

集 儲園

該臣等會議得會試原係掄才舊例分南北中卷酌人才之多寡定爲均平之額通行年久我

皇上御極以來文教翔洽人才彙征行之已十科亦未嘗更改嗣於康熙三十年臺臣王承祐等條奏南北中卷各分左右其時九卿諸臣以例未經行難以懸斷會議准行乃行之甲戌丁丑兩科往往拘於左右定額不得專意掄才以致佳卷已收而旋棄者甚多查臺臣王承祐等所奏原因康熙三十年雲貴廣西不中一人起見但此三省未改例以前中式者未嘗無人近

又蒙

恩一科不中獨得揀選與進士同矣既有揀選以通遠方之仕路則會試酌復舊典以專羅天下之真才似適得其平且科場暗中取士尤宜防弊今細分某地某左某地某右恐行之日久易于揣摩或有不肖房官徇私滋弊亦未可定應如憲臣梅鋗所奏停分左右悉照南北中卷舊例遵行可也

有懷堂文稿

康熙二十二年癸亥閏六月奉

命典試四川初八日宣

旨先是十九年四月平明辛酉例當舉秋試撫臣杭君愛以新經底定議於亥秋補行已復請改期九月上皆可其奏至是禮臣以考官請故事蜀諸曹郎或評博中行無遺詞臣者

上以文教懷柔遠人特命象瑛及吏部員外郎王君材任往蒞

異數也

健松齋集

鄉試硃墨卷向無磨勘之例康熙四十一年壬午科始奉

聖祖仁皇帝特旨命魏象樞李基和等三四人專司其事後因
試卷繁多始令九卿公同磨勘誠

國家慎重求賢大典之意也但日久懈生漸失初意且政因時
設事勢亦殊人文既盛解額遞增倍於往昔直省中式舉人多
至一千三百餘每人三場則卷近四千合硃卷之數及八千
九卿辦事之餘日不能完數卷逾冬越春究難遍閱且六部衙
門本無暇於閱文而試卷浩繁又非旬月可畢至若戶刑二部
尤爲煩冗自晨至暮披閱不停斷無暇磨勘試卷以致近日禮
部通傳有竟日無一人至者甚至將試卷分送九卿私寓恐或
稿代點閱勉強塞責勾當公事非所謂實心實政也

穆堂初稿

翰林官講讀學士以下編檢以上馳驛比四品京堂得騎馬七匹余跟役僅六名尙餘馬一匹沿途營汛火牌應撥兵六名護送而營伍多虛籍馬尤缺二十二日辰刻啟行惟京營遵例撥兵六名至蘆溝橋則馬兵四步兵二矣驛地錢糧內依品官應日支廩給銀一錢六分跟役五名應日支口糧銀各五分晚至良鄉縣止予小錢二百五十文充廩給而口糧則無有夫廩以給官糧以養役

朝廷所以待使者卽周官委積之意顧有名無實如此

國家經費爲官吏所侵蝕者可勝計哉是晚宿良鄉縣廿二日至涿州始與中路分行是日雨時畿輔方旱躍然以喜泥塗不暇卹也廿四日至定興仍雨廿五日至安肅令某俗吏也視王使若無睹又禁夫役不得受僱驛卒尤悍劣廿六日予病馬數

匹日晏始至保定宿城外守道余同姓諱維鈞來候謝以功令不敢往答遂入城廿七日早乘馬行四十里至涇陽驛余初出都時宗丞江公贈轎一乘謂典試事重大驛馬性未必良馳驛或蹉跎則不獨非所以愛身亦非所以敬

君事也余甚然其言然連日僱夫甚費力遂決然舍轎自保定以往皆乘驛馬清苑滿城之西有山曰郎山皆人立紺碧參天絕類信州靈山池州九子馬上望之頗以爲樂直隸道中多植柳蓋前撫軍于公成龍所令日久困于斧斤存者無幾惟方順橋至慶都近三十里獨甚盛蓋前滿城知縣張君煥所補植者夾道密布綠陰如幕道兩傍皆小溪雨後有淺水與柳影相映騎馬行道中側望郎山若游蘇堤盼飛來峯也

穆堂別稿

凡進士釋褐在國子監獨詞科諸臣在瀛洲亭己未羣公已然

隱拙齋集

順治二年四月禮部議覆都給事中龔鼎孳疏言故明舊制考取舉人第一場時文五篇二場論一篇表一篇判五條三場策五道今應如科臣請減時文二篇照故明洪武時例用時文五篇於論表判外增用詩去策改用奏疏至京城貢院頽壞仍卽修葺得

旨考試仍舊例行貢院著卽修葺

梅崖雜記

頒陝西

恩詔該省生員鄉試舉人會試俱照直隸及各省事例一體遵行各學廩增附生員仍舊肄業俱照例優免丁役其有被闖賊威迫曾授僞職者盡行赦宥生員歸學舉人准赴京會試

同上

禮科都給事中龔鼎孳奏言江南底定宜舉賓興急宜學臣往

理科場諸務下所司速議同

命江南鄉試于十月舉行從科臣龔鼎孳學臣高去奢請也同上

順天提學御史曹溶疏稱遼東十五學遷隨入關僑居失業學問久荒今逢考監大典乞寬取百人就近教育考課又言

本朝教化方隆流寓士子俱准北闡鄉試今場事已竣或特准送監以充太學一體候試下所司議之同上

禮部議覆江南學臣高去奢疏言江南鄉試舊額生員中式一百二十五名監生三十八名今南雍已裁本省在監者卽與生員一體考試應增二十名從之同上

八年八月禮部議奏今科順天鄉試取滿洲舉人五十名蒙古舉人二十名主考應用滿洲內院禮部官各一員閱卷漢軍舉人五十名聽漢主考官閱卷又監生額數既加三十八名應增

漢同考官二員至漢軍舉子試藝本年鄉試明年會試第一場書藝二篇經藝一篇如未通經者作書藝三篇二場論一篇三場策一道自後試藝以次加增順治十一年鄉試十二年會試第一場書藝三篇經藝二篇二場論一篇判五條三場策三道順治十四年鄉試十五年會試第一場書藝三篇經藝四篇二場論一篇表一篇判五條三場策五道從之同上

山左科場條例耳字號額中式一名本爲四氏學設以四配皆聖故從耳也久之謫聖裔爲孔裔順治丁酉耳號拆名得顏公光敏主者以與孔裔不合輒抑之副榜易以孔公興爓是三氏旣不得出耳號之外又不得薦耳號之中反同禁錮先君眎學政建議于撫按兩臺畧謂設

至聖司衡必不以伯魚先顏淵黜顏以尊孔非其道也今議孔

裔額中一名外耳號亦額中一名則孔裔既無脫科而三氏亦得同升矣兩臺會題相會曰事關重典然不可徒口爭奈何先君竭力任之卒得請嗣三氏諸後人始得獲雋

施氏家風述畧

乾隆丁丑

欽定科制二場經文四首改表爲詩八韻一首先日選韻總裁

屬同考寫之以刻

詩集注

本朝會試及京闈鄉試所用同考官凡十八員謂之十八房按分經本始於宋理宗紹定二年但不載房數今之十八房蓋沿前明制也然明亦有不定十八房者明史選舉志初制會試同考八人其三人用翰林五人用教職景泰中俱用翰林部曹正德中用十七人翰林十一科部各三萬歷十一年以易卷多減書之一以增於易十四年書卷復多乃增翰林一人以補之此

十八房之始也四十四年又因余懋學奏易詩各增一房遂有

二十房

顧寧人云天啟乙丑易詩經仍各五房書三房春禮各

房爲十八房癸未復爲二十房

本朝酌中定制易詩各五房書四房春秋禮記各二房共十八房相沿已久近日因同考官以經分房有關節者易於按經尋

索

特旨不復分經但以一二爲次仍用十八人此不惟可以防弊且各經試卷多寡不等限之以房則卷少者甚閒而卷多幾於日不暇給余分校壬午鄉闈籤掣詩五房通計京闈卷八千有餘而詩經獨至五千卷是五考官較十三考官所閱之卷尙多三分之二不得已分八百餘卷入春禮四房助校然詩經猶各閱八百餘卷其視易書等房不過二三百卷閒劇大不侔也今

考叢

不分經則各房所閱卷多寡適均可從容校閱不至苟簡矣餘
沈作喆寓簡宋初發解進士率以秋季引試無定期紹興中乃
定諸州科場並用八月一日鎖院十五日引試夷堅志春試向
例在正月淳熙十四年庚戌以首春雪寒特展半月此宋時秋
試在八月春試在二月之源流也元仁宗因李孟言亦定以八
月鄉試二月會試明因之後御史喬璧星請改期于三月李九
我駁之張紉于亦有會試移期議一篇然終明之世未嘗改移
本朝始改三月遠方士子旣免匆遽而天暖無呵凍之苦衣單
無懷挾之弊最爲善政至殿試之期元時在三月初七日明初
在三月初一日成化八年改在十五日後遂爲例然二月會試
而三月朔卽殿試禮闈中閱卷爲日無幾豈不太促

本朝殿試在四月二十五日傳臚在五月朔日乾隆二十六年辛巳奉

旨改四月二十一日殿試二十五日傳臚嗣後或遲或早隨時

酌定更爲盡善

同上

漢京師置五經博士郡國置文學掾至宋崇寧初每路設提舉學士一人元各省設儒學提舉二人明宣德間勅遣各省提學官以重其任循及我

朝凡提督學政之官於直隸江南浙江曰學院以翰林院侍讀侍講等官充之餘曰學道並繫以按察司副使僉事之名由六部郎及知府之有資望者推用其後遇缺則請

特簡蜀之稱學院也自雍正五年宋少卿始也其有題名碑也

自康熙三十三年周僉事始也

白華前稿

湖廣學道駐武昌而湖南各府縣隸之雍正四年晉學道爲學院置湖南學政而湖北遂爲專使於時廣東之分肇高陝西之分甘肅皆以江南之分江蘇安徽者例之其後肇高甘肅復併舊制而湖南北分置至今

同上

雍正癸卯館選五十六員乙巳散館授編檢三十三員用六部主事四員中行評博九員州縣二員教職二員內有文有保二十一員館選十九人有文無保十九名俱館選有保無文三十九名館選十六人文保俱無一百六十七名選四人清書止派五人傳臚張廷珩

特旨授檢討與一甲三人同入南書房館選後又補點帥念祖一人除庶常外另有記名十七人著問有情願在官學教習者令其自陳又單點記名三十人以知縣卽用

恭錄
客語

順治己丑新進士卽用道府二十餘人分發兩廣止此一科後

不爲例

孫陰
雜記

乾隆二十五年二月禮部覆安徽學政劉墉奏嗣後歲科兩試
童生兼作五言六韻排律一首其有詩文並佳者自應列在前
茅以示鼓勵或有文入彀而詩句尙欠諧叶者量爲節取學政
隨時面加訓誨並轉飭教官于月課時一體限韻課詩條例
約編
乾隆二十八年七月禮部覆貴州學政李敏行奏嗣後各省考
試選拔生員刪去判語改爲五言八韻排律一首同上

乾隆壬申舉行

萬壽恩科三月鄉試八月會試外省鄉試俱二月舉行因去會

試之期匆迫也

南園
筆記

雍正四年查嗣庭汪景祺以罪置法內閣九卿會議浙江鄉會

試俱行停止旋奉

恩詔開科

同上

雍正十年

特詔湖南湖北兩闈考試於湖南地方建立試院每科另簡考

官

同上

乾隆三十三年應行開列人員奉

旨停其考試各該衙門於合例人員內揀選彙送吏部帶領引

見

同上

雍正五年遵

旨議定鄉試房考官除順天鄉試仍照例開列各衙門官員恭

候

欽點外其外省鄉試飭令所屬地方官將在籍候選之進士舉

人確訪讀書立品文行素優者該縣備造履歷送督撫驗看以備鄰省調取至本省知縣入簾之例概行停止

同上

順治十四年

諭禮部江南省在明朝亦係直隸故典試皆用詞臣今已改爲

省以後着照浙江一體題差

史館綴聞

禮部議覆福建御史趙祥星疏言會試大典剔弊宜嚴第一場

四書題目請

欽定密封送內簾刻印頒發其二三場題目體裁既繁仍責令主考官照例擬出得

旨第一場四書題目候朕頒發餘着考試官照例出題

上以欽定會試四書題三道遣官齎示主考官刊發士子

同上

禮部奏言自元年以來殿試中式舉人俱在天安門外臣等伏

思

臨軒策士大典攸關應于太和殿前丹墀考試報可

同上

乾隆三十六年四月掌貴州道御史張霽奏鄉會科場及各項考試其詩止限排律一首卽一詩工拙可覘所學淺深誠無取乎誇多鬪靡乃近科新進士朝考于

欽命詩題有賦至二首或三四首者伏思每科蒙我

皇上特派親信大臣閱卷秉公詳校酌議甲乙進呈

欽定其優劣原不以篇什多寡爲衡但多作詩之人一經繳卷衆口爭傳故雖已揭浮簽糊名莫辨竟有可卽作詩之人而知其爲某某者是此項試卷其始不過意在騁才角勝而行之既久恐易犯詭遇之端不可不預防其漸現屆朝考在邇臣愚敢請

旨飭禁令各遵照制科定式詩題祇賦一律毋許借此逞弄筆墨故爲示異矜奇此外如庶常散館翰林大考以及考試試差嗣後亦均不得違例多作以肅成規而符體制於防閑似較爲
慎重奉

硃批所奏是着照所請行該部知道欽此

邱鈔存